



ESTATUTOS DA ASOCIACIÓN DE NAIS E PAIS DE ALUMNOS "BIDUEIRO"
DO COLEXIO PUBLICO ISIDRO PARGA PONDAL DE LIANS - OLEIROS

CAPITULO I

DENOMINACIÓN, FINS, DOMICILIO, ÁMETO:

Artigo 1º. Coa denominación Asociación de Pais e Nais de Alumnos "Bidueiro". do CEIP Isidro Parga Pondal de Lians - Oleiros - A Coruña - ANPA, actualizase esta Asociación, ó amparo da Lei Orgánica do Derecho á Educación 8/1985 e da Lei Orgánica 1/2002 do 22 de Marzo e demás leis e disposicións complementarias, con capacidade xurídica e plena capacidade de obrar, carecendo de ánimo de lucro.

Artigo 2º. Esta Asociación constituise por tempo indefinido.

Artigo 3º. Terá como fins os seguintes:

- a) Asistir ós pais e titores en todo o que se refire á educación dos seus fillos e pupilos.
- b) Colaborar nas actividades educativas e extraescolares do Centro.
- c) Promover a participación dos pais dos alumnos na xestión do Centro.
- d) Asistir ós pais dos alumnos no exercicio do seu dereito a intervir no control e xestión do Centro.
- e) Facilita-la representación dos pais de alumnos no Consello Escolar do Centro.
- f) Estimular á participación dos pais de alumnos na programación xeral da ensinanza a través do órgano colexiado correspondente.

g) Fomenta-las relacións de cooperación do Centro con outros establecementos escolares e os sectores sociais e culturais do entorno.

h) Promove-la plena realización do principio de gratuidade no do ensino, así como a efectiva igualdade de dereitos de todos os alumnos sen discriminación por razóns socioeconómicas, ideolóxicas, confesionais, raza ou sexo.

i) Requerir ós poderes públicos o cumprimento das leis, regamentos e plans de actuación relativos á educación, recabando a atención e axudas que ésta merece.

j) Promover actividades formativas, culturais e de estudio.

k) Promover reunións de colaboración de pais con profesores e as boas relacions entrambos.

l) E todos aquelesoutros non recollidos nos estatutos e que sexan conformes á lei.

Artigo 4º Para o cumprimento destes fins realizaranse, lóxicamente, todas aquellas actividades formativas, culturais e de estudio e reuniones con todos los sectores da comunidade educativa e todas aquellas tendentes a cumplir-los fins sinalados e que sexan conformes á lei e decididas polos órganos competentes.

Artigo 5º. A). Para a realización das actividades que lle son propias á Asociación utilizará locais do Centro, CEIP Isidro Parga Pondal de Lians - Oleiros a cuio efecto o Director facilitará a integración de ditas actividades na vida escolar tendo en conta o normal desenvolvimiento da mesma.

B). A efectos da utilización dos locais do Centro á que se refire o apartado anterior será necesaria a previa comunicación da Xunta Directiva da Asociación á Dirección do Centro.

Artigo 6º Para o mellor cumprimento dos fins esta Asociación intégrase na Federación Provincial e conjuntamente con outras APAS na Confederación Galega de APAS de Centros Públicos (CONFAPA-GALICIA) e a nivel estatal na Confederación Española de APAS (CEAPA).

Artigo 7º O ámbito da Asociación e local e fixa o seu domicilio no CEIP Isidro Parga Pondal Rúa do Saber s/n Santa Cruz de Lians (Oleiros) 15179 A Coruña.

CAPÍTULO II

ÓRGANO DE REPRESENTACIÓN

Artigo 8º A Asociación estará representada e administrada por unha Xunta Directiva formada por:

- Presidente,
- Vicepresidente,
- Secretario,
- Administrador-Tesoureiro,
- Vocais, mínimo de un, máximo de sete.

Tódolos cargos que componen a Xunta Directiva serán gratuitos. Estes serán designados e revocados pola Asamblea Xeral Ordinaria ou Extraordinaria e o seu mandato terá unha duración de dous anos, renovándose a partires do segundo ano, cada ano a metade dos membros.

Artigo 9º Os membros da Xunta Directiva que agotaran o prazo para o que foron escollidos, continuarán ostentando os seus cargos ata o momento no que se produza a aceptación dos que os van sustituir.

Artigo 10º A elección dos membros da Xunta Directiva pola correspondente asamblea, será polo procedimento de llistas abertas.

Artigo 11º A Xunta Directiva elexirá de entre-los seus membros os cargos correspondentes.

Artigo 12º As vacantes que se puidieran producir por renuncia voluntaria comunicada por escrito á Xunta Directiva, ou por incumplimento das obligacións inherentes ó cargo, poderán cubrirse provisionalmente por membros que designe a Xunta Directiva ata que se celebre a primeira reunión da Asamblea Xeral.

Artigo 13º A Xunta Directiva reunirase tódolos meses do curso escolar e ademais sempre que sexa convocada polo seu Presidente. Tamén deberá reunirse, a petición dun tercio da totalidad dos seus componentes. Quedará válidamente constituida cando asista a metade máis un dos seus membros e, para que os seus acordos sexan válidos, deberán ser tomados pola maioría dos

votos correspondentes ós presentes. No caso de empate, o voto do presidente será de calidade para deixar sen efecto o empate.

Artigo 14º As facultades da Xunta Directiva extenderanse, con carácter xeral, a tódolos actos propios das finalidades da Asociación, sempre que non requirán segundo estes Estatutos, autorización expresa da Asamblea Xeral.

Son facultades particulares da Xunta Directiva:

a) Dirixi-las actividades da Asociación e leva-la xestión económica e administrativa, acordando realizar os oportunos actos e contratos.

d) Executa-los acordos da Asamblea Xeral.

c) Formular e someter á aprobación da Asamblea Xeral os balances, contas e programa anual das actividades.

d) Resolver sobre a admisión de socios se fose necesario

e) Nomear delegados para alguma determinada actividade da Asociación.

f) Calquera outra facultade que non sexa da exclusiva competencia da Asamblea e sexa conforme segundo a lei.

Artigo 15º O Presidente terá as seguintes atribucións: Representar legalmente á Asociación ante toda clase de Organismos Públicos ou privados; Convocar, presidir e levantar as sesións que celebre a Asamblea Xeral e a Xunta Directiva, así como dirixi-las deliberacións dunha e doutra; ordear pagos e firmar xunto co Administrador-Tesoureiro os libramentos, cheques, etc.; recibir en nome da Asociación calquera cantidade provinente de subvencións de Entidades Públicas e/ou privadas; autorizar coa súa firma os documentos, actas e correspondencia da Asociación; adoptar calquera medida urgente que a boa marcha da Asociación aconsella, ou no que o desenvolvimiento das suas actividades resulte necesaria ou convinte, sen perxuicio de dar conta posteriormente á Xunta Directiva; asumirá tamén, en todo caso, tódalas facultades que a Lei establece.

Artigo 16º O Vicepresidente será o encargado de sustituir ó Presidente en ausencia deste, motivada por enfermidade ou calquera outra causa, e terá as mesmas atribucións que éste. O Presidente poderá delegar neste as suas competencias para a atención ou xestión de asuntos determinados ou un conxunto dos mesmos, previa conformidade da Xunta Directiva.

Artigo 17º O Secretario terá ó seu cargo a Dirección dos traballos meramente administrativos da Asociación, expedirá certificacións, levará os Libros da Asociación legalmente estabelecidos e o arquivo de Asociados e custodiará a documentación da Entidade, facendo que se cursen as comunicacións sobre designación de Xuntas Directivas e demás acordos sociais inscribibles nos correspondentes rexistros, así como a presentación das contas anuais e do programa de actividades e o cumprimento das obrigacións documentais, nos termos que legalmente correspondan; ademáis velará pola conservación dos locais sociais e gardará o selo da Asociación.

Artigo 18º O Administrador-Tesoureiro estará encargado de recadar e conserva-los fondos e bens da Asociación. Levará o Libro de Caixa e firmará os libramientos de fondos xunto co Presidente; elaborará o proxecto do presuposto que a Xunta Directiva debe presentar ante a Asamblea Xeral e preparará as contas que deban someterse a dita Asamblea.

Artigo 19º Os Vocais terán as obligacións propias do seu cargo como membro da Xunta Directiva e poderán recibir por acordo desta o encargo de presidir ou coordinar grupos de traballo así como a execución de encargos, comisións, representacións e outras tarefas que pola Xunta Directiva lle fosen encomendadas.

Artigo 20º As vacantes que se poideran producir durante o mandato de calquera dos membros da Xunta Directiva serán cubertas provisionalmente entre ditos membros ata a elección definitiva pola Asamblea Xeral.

CAPÍTULO III

Artigo 21º A Asamblea Xeral é o órgano supremo e soberano da Asociación e estará integrada por todos los socios.

Artigo 22º As reunións da Asamblea Xeral serán ordinarias e extraordinarias. A ordinaria celebrarase obligatoriamente unha vez ó ano, dentro dos catro meses seguintes ó peche do exercicio e nela proporase a aprobación das contas e presupostos e o programa xeral da actuación social. Tamén nela se procederá á elección de membros da Xunta Directiva cando corresponda por imperativo estatutario; as extraordinarias celebraranse cando as circunstancias o aconsellen, a xuicio do Presidente, cando a Xunta Directiva o acorde ou cando o pida ou solicite formalmente por escrito un tercio dos asociados.

Artigo 23º As convocatorias das Asambleas Xerais realizaranse por escrito expresando o lugar, día e hora da reunión, así como a orde do día con expresión concreta dos asuntos a tratar. Entre a convocatoria e o día sinalado para a celebración da asamblea, en primeira convocatoria, haberán de mediar ó menos 7 días, poidendo asimesmo facerse constar a data e hora en que se reunirá a asamblea en segunda convocatoria, sen que entre unha e outra poida mediar un prazo inferior a media hora.

Artigo 24º As asambleas xerais, tanto ordinarias como extraordinarias, quedarán válidamente constituidas en primeira convocatoria cando concorran a ela a mayoría dos asociados e en segunda convocatoria, calquera que sexa o número de asociados presentes.

Os acordos tomaranse por maioria simple das persoas presentes ou representadas, cando os votos afirmativos superen ós negativos non sendo computables a estes efectos os votos en branco nin as abstencións.

Artigo 25º Será necesario o voto "favorable" dos dous tercios dos asociados presentes na asamblea para adoptar as seguintes decisións:

- a) Disposición e Enaxenación dos Bens.
- b) Solicitud de Declaración de utilidade Pública da Asociación.
- c) Integración en Federacións.
- d) Modificación Estatutaria.
- e) Disolución da Asociación.

CAPÍTULO IV

SOCIOS

Artigo 26º Poderán ser membros da Asociación tódolos pais ou titores maiores de idade, dos alumnos que cursan estudios no CEIP Isidro Parga Pondal de Santa Cruz de Lians - Oleiros (A Coruña)

Artigo 27º Serán dereitos dos asociados:

- a) Elixir, ser elexible para tódalas funcións representativas da Asociación.

- b) Ter voz e voto nas reunións da Asociación.
- c) Tomar parte en tódalas actividades da Asociación e utilizar os servicios que poidan establecerse en beneficio dos socios.
- d) Dirixir peticións e propor iniciativas ós Órganos de Goberno da Asociación.
- e) Recabar e recibir da Xunta Directiva canta información precisen sobre a xestión asociativa.
- f) Asistir a tódalas reunións e actos convocados pola Xunta Directiva.
- g) Colaborar activamente no cumprimento dos fins da Asociación e na execución e eficacia dos mesmos.

Artigo 28º Serán deberes dos socios:

- a) Observar e cumplir os estatutos da Asociación e os acordos da Asamblea.
- b) Contribuir económicoamente ó sostento da Asociación na forma e modo en que se estableza na Asamblea Xeral.

Artigo 29º Causara baixa na Asociación:

- a) Por petición do interesado.
- b) Por baixa dos fillos matriculados no Centro.
- c) Por impago das cuotas por un período superior a tres meses e mediando un apercibimento previo da Xunta Directiva.
- d) Por incumplimento dos Estatutos.
- e) Pola utilización da Asociación con fins alleos ós específicos da mesma.

Para excluir a calquer socio polas causas do apartado d) e e) do anterior artícuo, deberá abrirse un expediente pola Xunta Directiva no que se sinalarán detalladamente os feitos que orixinan a expulsión. Asimesmo deberase oír ó propio expedientado que poderá presentar un prego de descargo alegando o que considere convinte na súa defensa e que se unirá ó expediente que estudiará a Xunta Directiva e proporá a decisión que considere oportuna. Se optase pola expulsión presentarase na próxima Asamblea Xeral que despois de oír á Xunta Directiva e ó Socio se o solicita, tomará unha decisión que será inapelable.

Artigo 30º Os recursos económicos para o desenvolvemento dos fins e actividades da Asociación serán os seguintes:

- a) As cuotas dos socios periódicas ou extraordinarias que serán determinadas pola Asamblea Xeral a proposta da Xunta Directiva.
 - b) As subvencións, legados, herencias ou doacións que pudiera recibir de forma legal e que sexan aceptados tanto que provengan de personas físicas ou xurídicas.
 - c) Calquer outro recurso de procedencia lícita.
- > Artigo 31º A Asociación carece de patrimonio fundacional. O patrimonio social que se vaia constituindo estará composto por tódolos bens que se adquiran para a realización dos fins sociais. A súa administración corresponde á Xunta Directiva.
- Artigo 32º O exercicio asociativo e económico coincidirá co inicio e finalización do curso escolar que fixe a Administración Educativa para cada ano académico.

CAPÍTULO V

DISOLUCIÓN

Artigo 33º Esta Asociación disolverse voluntariamente cando así o acorden a Asamblea Xeral convocada a tal efecto e por acordo dunha maioría de dous tercios dos asociados.

Artigo 34º No caso de disolución nombrarase unha comisión liquidadora a cal, unha vez extinguidas as débedas e se existise sobrante líquido, se destinará a aquelas entidades sen fin de lucro adicadas á realización de fins educativos cun espíritu similar ó que anima esta asociación e que se sinalará na Asamblea Xeral na que se acorde a liquidación.

DISPOSICIÓN ADICIONAL

En todo cando non esté previsto nos presentes estatutos aplicarase a vixente lei orgánica 1/2002 do 22 de marzo, reguladora do Dereito de Asociación, así como a lei orgánica 8/1985 reguladora do Dereito á Educación do 3 de Xullo de 1985 e demás disposicións específicas da aplicación provintes da Comunidade Autónoma de Galicia ou do Dereito Estatal Supletorio en ausencia do autonómico segundo dispón a Constitución Española.

DISPOSICIÓN ADICIONAL

En todo cando non esté previsto nos presentes estatutos aplicarase a vixente lei orgánica 1/2002 do 22 de marzo, reguladora do Dereito de Asociación, así como a lei orgánica 8/1985 reguladora do Dereito á Educación do 3 de Xullo de 1985 e demás disposicións específicas da aplicación provintes da Comunidade Autónoma de Galicia ou do Dereito Estatal Supletorio en ausencia do autonómico segundo dispón a Constitución Española.

D./Dña. Maía José Rivero Gil como Secretaria de la Asociación a que se refieren estos Estatutos

CERTIFICA que os presentes estatutos foron modificados para adaptalos ás previsións da lei orgánica 1/2002 do 22 de marzo por acordo da Asamblea Xeral de Asociados de data 25 de Marzo de 2003.

En Santa Cruz de Lians - Oleiros a 26 de Marzo de 2003

Fdo Secretaria
M.º José Riveira Gil

V.ºB.º Presidenta
Alexandra Wayer

2365/15

2004

O NFA DA SERVICO